


梅溪先生文集

後集二十六之二十三



啓

漢書門類	一〇二六五號	七四函	一一架	一七冊
------	--------	-----	-----	-----

內閣文庫	漢書類	一〇二六五號	一七冊	三六函	三架
------	-----	--------	-----	-----	----

內閣文庫	
番號	漢 10265
冊數	17 (15)
函號	316 9



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak



梅溪先生後集卷第二十

送潜老赴東禪

淺草文庫

英石來從並玉堂鈴几案聳鋒銑平生性有好山癖
袖得兩峯歸故鄉

送潜老赴東禪

駐錫清源十五年月明臺靜忽飄然禪心莫為東禪起
南北東西總是禪
難弟難兄漢二龔袈裟縫掖各清風淵明已遂歸田願
蓮社行將訪遠公

陳提刑挽詞

我守桐城公奉祠登堂猶恨識公逢心勞撫字陽司紫
獄喜平反雋不疑頭白不忘文字樂室清宜作子孫規
棣華玉潤皆文傑潛德幽光發妙詞

送陳元龍赴封州教官

溫陵尊酒偶相逢記得同年舊日容書讀短檠游太孛
經傳絳帳適臨封清新得句賜生錦瘦硬通神筆吐鋒
莫向炎州嘆官冷行看湖海起元龍

提舶生日

正陽之月慝不作氣候清和滿寥廓階餘嘉瑞十莢奠
墻出新梢半含籜正是生才好時節化日舒長暑猶薄
遙遙華胄馬服君世有功勲上臺閣漢云臺唐凌烟皆有馬氏象耳

孫挺秀生東蜀骨相堂堂人磊落絳帳心潛南郡風銅
柱家傳沃波畧致身朝列貳稷官銜命江東訪民瘼雍
容敷奏天顏喜小試舶臺良不惡北風航海南風回
遠物來輸商賈樂日邊知己皆達官行矣歸持紫荷橐
平生德性不好飲今日壽觴宜滿酌爛柯仙侶年自長
不用西山一圓藥

得葉飛卿書因寄貢院碑

八字雄文照眼明親題一軸寄松廳千間廣廈能宣力
何止區區不負丞貢院之役飛卿手陳節推董之

萬桂堂

佛国新開選佛場蟾宮分桂十千章邦人種德家家熟

仙籍題名葉葉香地占清光一輪滿門傳盛事五枝芳
東堂万万高攀手莫負君恩與義方

表第万大年宿郡坐為鼠蚊蚤所苦夜不安寢
目為三害某輒申造物之意諭之以詩

萬子游清源頗愛風物好胡為官舍中害有蚊鼠蚤
衣恣掀翻聒耳倦揮掃跳蟲從何來出沒席與藁中夜
不安寢披衣起呼皂禽鼠磔其尸驅蚊熏以草熾炭烘
衾稠蟻虱亦俱薨三害稍稍除高眠起忘早我時寢疑
香清夢到穹昊仙官為我言必大有家寶乃翁多隱德
子籍在蓬島天將成就之故以此相惱要令坐達旦万
卷飽探討毋如老外兄不孝首空皓彼蟲類鼠多生育

自洪造尽殺則傷仁兼容幸寬抱萬子眷我言往往咲
絕倒番庖相參元失馬福塞老宴安生鴉毒疾患資壽
考三害不必除君言近乎道

薦新荔支

晚年游宦到夔閬四見輕紅荔子新不似蒲萄桔羊棗
向來猶及遺慈親

大言獨步郡圃即事有作次韵

厭聽桐城兩頰瞻雁蕩雲它鄉見子面好句張吾軍
木心知敬大年每稱賞素榆景未曛淹留不須嘆雞鶴
偶同群

早起

老欲投閑尚未成
膠膠擾擾厭餘生
方成枕上游仙夢
忽听窓前喚起声

刺桐花

初見枝頭万綠濃
忽驚火傘欲燒空
花先花後年俱熟
莫遣時人不愛紅

大年游延福寺

去歲曾遊九日山
忽忽不暇尽躋攀
煩君訪我不到處
好把詩篇載取還

提舶贈玉友六言詩次韵以酬

重見異鄉佳節又成終日清色
西歲重午為不飲忽捧晋堂双
玉引觴澆破愁懷

兢渡爭飛昼舫賜衣絲集丹墀
幸笔不忘規諫玉堂誰
進歐詩歐陽公端午帖子詩云楚國因諫逐屈原終身無復入些門息月有系詞覽洛可筆前王也

覓百葉榴花

玉友双瓶不惡錦囊六字尤清更覓榴花百葉要令老
眼增明

寄陳大諫良翰

公居言路望非輕天下入皆側耳聽方欲携書責陽子
忽葦有疏論延齡危言已落奸邪膽正色潜消魍魎形
天聽未回須力爭從茲受責亦芬馨

天申節放生

夫子釣不網仁心戒盡物君子遠庖厨孟軻論仁術生
魚舍子產猷網祝天乙於物文王沼靈德壽周室唐置
放生池天下八十一至今湖州碑輝耀魯公筆我宋
仁如天神武而不殺華夏及蠻貊卯胎暨化濕皆歸好
生德惟恐一物失清源瓠佛國比與胡獨缺耽耽舉子
場馥馥荷華隰誕節逢千秋錫宴遍郡邑何以壽吾
君故事修遺逸魚鼈族至微端賴尺水活况兹十劫池
中含千里閩郭索行草泥玄夫巢蓮葉長鬚及衆鱗巨
細各儔匹圍圉復洋洋生意俱可必永逃數罟憂成被
中孚吉中有六六魚聊茲文螾蛭一朝得雲雨龍門變
九質歲早當作霖莫忘也中日

送知宗奉祠還越

堂堂人物宋宗英來主金枝玉葉盟麟趾化成公族厚
棣華詩作爭心平金尊對客吟篇逸貝葉談空世味輕
五月仙舟鑑湖去芰荷香裏奏新聲
綠水芙蓉汎鎮東一觴一詠辱陪公轉頭十載已陳迹
會面二山俱禿翁舊隱重尋賀監宅歸帆遙借若邪風
九重側席待宗老頌展惓惓劉向忠

愛松堂納涼

鈴魚苦炎熱松竹生晚涼颯然清我襟兀坐興味長我
無桑下戀愛此獨不忘願言勿翦伐清陰常滿堂

那竺夜坐聞水車聲

風伯吹雲不成雨，稼穡如焚誰守土。鈴坐夜聞水車聲，
遙想田間老農苦。汗流氣喘飢眼花，厭聞雷中鼉打衙。
妻兒相勞勿愁嘆，多少高田無水車。
天二欲警老刺史，車聲夜入疑香耳。四郊苗槁農民悲，
万壑水乾魚鼈死。守臣失戡政事荒，誰遣連年坐黃堂。
自慚不及段文昌，聖世豈有乘洪羊。

末利花

日莫園人獻寶珠，化成千億小芙蓉。使君燕寢無沉麝，
疑此清香自有餘。

次韵傅教授景仁馬綠荔支

玉座奇包未與須，伏波家果忽堆盤。宜書蔡譜均稱綠。

不比韓詩止詠丹，薦李徒誇碧實脆。嚼瓜未竟水晶寒，
羨君衫鬢巧相似。我坐郡廳慚素飡。泉州斤事号荔枝

再次韵

而載閩南白盡須，蘄香異品上杯盤。發緘初訝囊非絳，
摩實猶疑頰未丹。較美宜同法石白，換先欲占麥秋黃。
荔支詞云五嶺菱秋寒荔荔支詞馬綠此發稍早廣文詩句篇篇好，咀嚼令人

欲廢飡

三次韵

荔子新詩屢見須，端同玉局賦金盤。坡詞玉座金盤不貢奇包四百年
香包盡帶賜袍綠，孰顯半含仙灶丹。西蜀稍多應喜遠，
瀘戎多東嘉可種似宜寒其不加無荔支有種而生者疑綠荔支

微酸好入盞梅昂莫作尋常果飡

四次韵

蔡譜黃詩久已頌不同馬乳堆盆色因不惡故名酒
食可成仙何用舟追逐故江相上下比方魁紫稍孤寒
駁動百顛分其意端為詩情合得飡

五次韵

涪陵妃子謾名園豈似閩南綠一盆寢喜色同青玉案
不妨功並紫金丹益看紅紫品流俗詩嚼冰霜牙頰寒
吟罷閑觀右軍帖來禽青李可同飡

六次韵

年少題詩入否園橫空硬語勝郊盆新吟陳紫并江綠

深逼蕉黃與荔丹官舍聊淹廣文冷雁行高並玉峯寒
黃堂病守相將去秋菊落英誰共飡

七次韵

平生雅意在立園行矣歸尋隱者盆此日詩盟共君結
明年荔子為誰丹欲移仙種栽中土只恐天資不耐寒
定向家鄉想風味江瑤斫桂謾加飡

得雨復用聞水車韵

蛻骨木龍憂不雨更喚兩牛眠下土農家以架車者為眠牛永從
地底飛上田不減在天行雨苦庭中忽見天雨花白衣
直入游郡衙但願為霖莫為潦免使泥陷羸牛車
亢旱踰時如魯史一雨已逢淹爾耳農猶滿望苗返魂

車亦收声魚免死我持酒戒不敢荒急呼一盃飲松堂
不憂猖獗有巢昌只恐沈猶朝飲羊

吳宗教惠西施舌戲成三絕

吳王無處可招魂惟有西施舌尚存曾共君王醉長夜
至今猶得奉芳尊

博物延陵有令孫不因官冷作儒酸珍庖自有西施舌
風味堪陪北海尊

長記還家笑擊鮮南來歸興日飄然不緣樽俎逢西子
始泛江湖范蠡舡

貢院食新荔觀雙蓮因成六言

兩郡兩逢新荔予在夔泉二州三年三結雙蓮貢院池

開三酒盞莫辭在手異時同把無緣

分韵得兩字

官舍苦炎熱貢闈快虛敞急呼玉交生閑共同僚賞堂
成栽植万堤就池分兩蓮開花並蒂荔擘味在掌詩句
聽細論塵襟發清爽行矣北歸翁山林起遙想

雲榭納涼

人間正炎熱雲榭獨清涼如欲慰黎庶諸君宜奉揚

分韵得宜字

榭向雲間築風從天半吹談方以清飽襟更為涼披雄
入蘭臺賦微生殿閣詩倚欄觀出岫吾去亦誠宜

罷官迷懷

去矣清源守皤然雪滿頭居官無善政排悶有詩篇朋
盍三盃酒公餘一覺眠泉人豈思我我意自思泉

出州宅 閏五月二十日

官居到處郵傳歲月驚人電飛惆悵同來德耀故鄉不
與同歸

寓清源驛

兩年繆作清源守不到清源洞裏游天恐孤予遠來意
驛中聊許少遲留

諸公餞別分韻得人字

清源古名郡守土宜擇人胡為不才者兩載乘朱輪政
拙歲多旱民愁眉日顰賴茲淳厚俗容我老病身乞祠

竟不允易郡俄得鄰雅懷上豕顛偶有還鄉因賓僚共
呼酒肴菽嘉且新展餞選士場語離庚伏辰清風屢吹
衣暑雨微洒塵驪駒沸盈門鸚鵡飛入唇我亦重惜別
不辭勸酬頻諸君如神魚行奮六六鱗李士倍登瀛邵
符同治秦我如倦蜚鳥野性難籠馴舊巢尋故山一枝
老荆榛官居類郵傳誰能久相親回頭各勉力相期作
純臣

枕上聳雨声

枕上微聞點滴声皇天有意掾蒼坐雖然未作商家雨
已奄炎方暑氣清

聞角声

角声已作送行声更向萧萧雨後聽明日出郊聞更遠
回頭忍見二山青

復安靜堂舊額

端明之孫字子強銀鈎鉄畫傳遺芳昔年作郡古平海
大筆親書安靜堂自從宣和至軋道字與翰兵爭光芒
一朝忽遭俗眼白毀滅名姓深埋藏我来搜訪久乃獲
老兵據為寢處林滌除五載塵土面字向堂上增激昂
祖為第一孫是似書有家法稱莆陽体具万安頰雄壯
榜與忠獻同翔翔因知文字乃至寶一時之瓦庸何傷
石鼓文有鬼神護淮西碑並日月光豈容泯滅暴秦火
誰有檜炙段文昌書生作郡太迂闊理財聽訟俱非長

吾君若問何以治堂復韓蔡祠秦姜今纔五日京兆
耳眷此陳迹猶未忘但願茲堂日安靜名與國壽俱
無疆

次蔣元雨韵

酒盃三十六人銜勸我殷勤不止三長記白蘋離浙石
忍看丹荔別泉南自慚政似陽城拙那得棠如召伯耳
見說廣文尤惜別好詩千里送歸驂

贈李宜之運幹

謫仙苗裔自非凡家李端能嗣大參一見便知空冀北
三年長嘆滯周南餽之家甚久絕畦翰墨僕騷可請試言詞
倚馬堪莫道南來橐無寶一編傳得小雲龕

記風聞五月二十六日

泉南固多風茲風大為最初驚月有暈忽聽天鳴籟蓬
蓬從何來烈烈不可奈万竅爭怒號三光變冥昧掀翻
收墻壁摧折到松檜瓦飄上天半芋捲洒郊外稻吹垂
實花果墮未熟蒂山川失故容草木遭厄會飛同鷓過
宋悲異兇歌沛孰云楚臺雄未覺周郊大雖然不終朝
無乃已被害嗟予垂素髮溢此張阜盖方憂西疇未
問南海具時蕃船將回以風為憂心如韓值颶卜効蘇命蔡焚香
叩穹吳防患問耆艾稍稍雲色定徐徐雨声霽漸停箕
簸揚會見氣交泰居民理破屋老守戒征旆五絃歌舜
琴一絲詠巖瀨去矣不待瓜歸坎及鱸膾

蔡端明祠堂

公昔自禁從身來臨此邦河梁一何壯筆力独能扛歐
績留南紀祠堂枕大江山川與人物今古兩無双

別傳教授景仁

鼻祖調羹佐有商耳孫家業踵前芳万言書有益梅味
千首詩開錦綉腸絳帳詎容淹久次制科端欲待非常
歸囊剩有君佳句更獲珠璣四十章

贈陳教授正仲謙

益友平生所愿親南來深喜得斯人淵源師杜真知体
正仲贈予詩云淵源師老杜杜制隨西崑而正仲詩殊有杜体人物如平豈又貧絳帳
可能淹教育掖垣便合掌絲綸臨行贈我五百字楚壁

隋珠未足珍

挽令人

精練情味飽相諳我事耕耘爾力蚕誤走迷途半天下
忽驚魂夢斷泉南二年旅櫬悲無柰千里途車涕不堪
預卜黃華晚秋節佳城歸祔白岩庵

贈陳体仁

我來守清源德星識二陳大陳如金玉一室清無塵
厭世不肯留至今里稱仁儒先賀州守才氣超等倫
曾中包言今筆下真有神唾手取甲科齒髮方青春
名滿天下文字驚縉紳勞人暫州縣平步當要津
嗟咤忽至今此志猶未伸真人奉香火蕭寺含悲辛
講席延諸生

黃卷訶古人異端斥佛老吾道鳴孟荀聊藉束脩礼少
資囊橐貧我忝二千石二年牧斯民不能助玉川恥與
韓公均贈我詩與文字字字皆可珍寵褒恨太過感激難
具論願公少自愛行矣當致身門下有高第廟堂手經
綸房魏方得君詎肯忘河汾

贈林尉致約

紅顏白面神仙吏好李苦吟真我徒政事文章有家法
它年呼作小龍圖

臨行至貢院觀桂贈致約

竊祿清源愧不才貢闈臨去尚徘徊青青万本新移桂
尽是梅仙手為栽

宿寂光院

青山環繞如盤谷中有清幽佛子家人昔共來今不見
數行老淚濕烟霞

陳德溥以百韵詩送別因贈一絕

蓮幕游從一二年送行越境繼前賢陳季常陳後山筆
頭皆有珠千顆端似少陵夔府篇

越境送別者七人蔣元甫黃少度鹿伯可趙元

序陳德溥葉飛卿林致約少酌驛舍

同僚送我楓瘴驛共酌臨分酒一杯我念泉人仍惜別
此身雖去首頻回

別蔣元甫

符竹南來識廣文經橫講席見淵源凌雲詞賦勝三賦
醫國忠言壓萬言元甫嘗作陳迹互將文字記交情更
向別離論君方騰翥吾衰矣名節相期百世存

題莆田林氏雙闕

唐室遙遙孝義門屹然雙闕至今存當時泣尽思親血
化作恩波遺子孫

過頭陀九嶺宿天玉樓林二招提因成三絕

凌晨飽飯渡秦溪名秦溪要上青山九級梯不使甌閩
隔人世頭陀力與五丁齊

千里歸塗險更長眼中深喜見天王從今漸入平安境
舊路艰辛未敢忘

我如倦鳥欲栖林喜見禪僧棲處深家在梅花小溪上
一枝聊慰北歸心

宿五峯院

万法由来揔是空五峯名在本無峯我来遥作廬山想
隱約夕陽開處遲

饒州芝山有五峯亭望見庐山峯也
范文正公詩云五峯夕陽開

贈亮首坐

雪頂厖眉八十餘五峯深處結精廬閱人老眼能青白
贈我嚴公一軸書

王成之太博寄詩病中未能和謾書十字以調
老病欲納祿君恩許奉祠已為三徑計誤辱廣文詩
司理叔文和過万橋詩復用前韵

少年一夕九起嗟家貧親老無生涯河東先生獨青眼
慨然許我修通家三十年間同轉首王謝依然作甥舅
時人咸笑孺子貧杜老惟蒙丈人厚罷官聞嶠初歸來
登堂又荷傾金壘詩誦白圭感前事情鍾我輩銜餘哀
定向清朝力求退呼賓刺設嚴冬簞從公杖屨鹿岩前
明月清風趙歐會

挽令人

知汝莫如我傷心不尽談忍貧猶好施見得可魯貪永
陸同艰險糟糠共苦甘和鳴三十載一夢斷閩南
之子有賢升輒生誤受知恩蒙夫子妻事類白圭詩黃
卷悲吟夜青灯照績時竟孤偕隱頭徒切悼亡思

我欲誌諸墓有言何敢私如賓最相敬無妬似知詩孝
合從姑壙賢宜舉郡悲明朝是重九恣看菊花枝

梅溪草堂新闢缺少花木効少陵故事竟之以

詩

小小園中十八香主人游宦遂荒涼名園草木多奇品
分我餘根種草堂

閑中那得買花錢孤負飛紅李白天拈出向來花疏目
招邀春色上詩篇

夢齡弟生日十一月二十二日

周正猶餘八莢螢昴星下應一陽生貌和冬嶺松俱秀
神與梅花溪共清定享百齡如衛武預開三徑李淵明

弟兄此去皆華髮無惜更相薦壽觥

可公禪老住泉之九日山二十年矣予臨罷官

求去甚力復為後政所留寄詩謝以一絕

泉山好處稍延福白髮禪僧去復回且與晉松為隱侶
莫同英石便飛來可以英石見寄号飛來山峯

黃伯厚得蒲墨折而為三以書米易戲成二絕

不謂一子墨忽成三客鄉君家好兄弟昂立並馳名
好去文房寶堅剛宜自持吾家藏有尺黃子翫無時

姚宰行可和詩索墨調以元韵

武城民事暇著述似虞鄉手握陳玄輦磨成不朽名
人生幾九墨老病厭操持好與賢明宰研磨共救時

松筆

我有文房寶莫如毛穎清來從丹桂密封以五天城董
行惟彤管宗盟是墨卿湘東謾三品無此歲寒名

題淨名院二絕

淨名却見老維磨謂長老道眼相看語不多我待衣冠

掛神杖藜來此老岩阿

谷中有月露蛾眉水織珠簾更絕奇滿目峯峦觀未盡

有僧攜紙覓題詩

梅溪先生後集卷第二十一

梅溪先生後集卷第一十一

表狀笏記疏文附

饒州到任謝表

時遇主協五卅世之昌期共理分符叨二十石之重
寄試之民事簡在帝心中謝伏念臣奮身諸生隸業太
孳上皇親策擢居多士之先陛下誤知眷出群臣之
右方御天之十日昇近地之一塵旋蒙召還屢辱賜對
親證之蘊幾展及賈誼之言畧施行曾未閱於三時已
徧更於數載遽從憲府擢貳天官人言遭際之非常臣
惧寵榮之過分力辭成命果獲俞音崇聯書殿之名假
守便藩之郡身獲全於進退恩不替於初終况此楚東

之故邦實為江左之真壤顏真鄉英風如在范仲淹遺
愛猶存仁實何人可預茲選茲蓋伏遇 皇帝陛下法
舜受禪体堯宅天廣收衆正而首及滯淹樂聽讜言而
不罪狂直遴選朝廷之士疇咨岳牧之臣雖地分內外
之殊而心蔑輕重之異知臣本出乎白屋謂臣可牧夫
細民札命十行憂分千里臣敢不仰奉德意刀宣教條
雖才非太公不能五月報政然忠猶杜甫未嘗一節忘
吾

夔州到任謝表

地易夔門難敢辭於蜀道心傾堯日遠尤甚於長安祗
拜訓詞惟深感涕中謝臣煩由御史出守番易任甫及

於期年報幾聞於五月慕言言之烈於顏魯國孝優之
之治於范仲淹擾切戒於庸人第務近民之易罪或得
於巨室方知為政之難比因有疾而丐祠不謂誤息而
分閭况魚復素稱岩邑在坤維實為要衝苟非文武之
長才曷副蕃宣之重寄豈臣庸繆可稱使令茲蓋伏遇
皇帝陛下德方日新仁若天覆憫鳥道烏蠻之險有刀
耕火種之勞非善治不可以懷柔謂徵臣或勤於撫字
錄其寸效畀以雄藩臣敢不究疾苦於閭閻布教條於
州郡觀武侯八陣居安未危於憂邊誦杜甫百篇有志
不忘於愛主

除敷文閣待制謝表

官自外任既濫中權之寄息由上出復叨次對之除抗
章弗命拜命增惕中謝竊念臣才惟樗櫟業本壘鹽偶
逢神聖之作興妄意風雲之際會立螭簪筆方近清光
祀豸乘駟遽遺丹闕俯悵忠懷之莫及仰知天眷之未
衰踪列郡而罷居帥垣自集英而超躋華閣易任誤蒙
於增秩撫躬深愧於罔功清議靡容牢絳不獲茲蓋伏
遇 皇帝陛下至仁接下大庾包荒謂臣如汲長孺之
愚言多妄竊知臣有蘇世長之短心不敢邪榮畀重藩
許建從橐臣敢不益至素守普竭孤忠共理分符何以
副西清之選拾遺補過可能無比闕之書

湖州到任謝表

遠障承流之循良之善政近藩改命仰覆載之隆祗
服訓詞弥增感涕伏念臣五年去國兩地分符饒俗浩
穰有難調之巨室夔疆瘠鹵介絕險之烏蠻但思治已
以先人豈忍奪民而生事故田里安其不擾而獄訟由
之稍稀敢曰懷歸實緣多病輒控祠庭之請屢干旒宸
之嚴既寬斧鉞之重誅復畀股肱之佳郡瞻清光於便
殿展素蘊之忠言謂能卹民象 天語之見獎徒以自
近佩聖恩其敢忘豈期衰遲有此遭際茲蓋伏遇 皇
帝陛下至仁兼被大智難名憐臣守志弗欺共理猶知
於惠養憫臣奉躬匪懈事君或盡於勤勞故此異除華
於朽質臣敢不持循憲度効法京師詠靈沼於真鄉深

休好生之德恢儒宮於安定益陶善教之風

泉州到任謝表

五年三郡蔑酬天覆之恩一扎十行又拜春溫之詔方奉祠而竊祿遽共理以分符降瞻不忘孤忠益勵中謝竊念臣少不孝古晚方入官論事則意廣而才踈為郡則心勞而政拙惟民是卹雖誤蒙金口之褒其毀乃來終莫奪簧言之巧松菊方尋於三徑江湖復把於一麾非神聖素察其衷豈臣下可得而薦辭避不獲顛躋是憂况聞為負山滄海遐僻之鄉而泉乃富商大賈往來之會詎容庸繆可備使令茲蓋伏遇 皇帝陛下堯仁宅天舜智察物知臣無剝下益上之罪恕臣有抑強扶

弱之偏悟即墨之浮言畀清源之善地臣敢不清白奉已循良牧民富而可求第守不貪之實老之將至尚懷有犯之忠

除敷文閣直學士謝表

任南國守臣之寄治効蔑聞綴西清學士之班聖恩誤及牢辟弗獲下拜有慙中謝竊念臣學術空疎性資愚蠢蚤躬耕養妄懷干祿之心晚竊科名誓竭事君之節許身自比於稷契得時况過於唐虞 上皇 親擢之於布帛 陛下又置之於臺省徒屢膺於任使竟莫報於滄埃去國八年分符四郡竟年齒之云暮致疾病之交交藥百試而莫痊祠三乞而不允心勞政拙僅同下

考之陽城金賜秩增有愧能名之黃霸揣分宜黜蒙恩
若薦茲蓋伏遇 皇帝陛下仁覆迺退賞從忠厚與人
不求其備嘉善而矜不能謂臣雖不達於時宜知臣或
稍諳於民事寃昇侯藩之重超陞庭閣之榮臣敢不仰
務分憂俯當盡瘁拾遺補過雖良臣之願莫訓宣化承
流庶循吏之風可繼

除太子舊事賜衣帶謝表

歸依故里首叨宮丑之除趨對便朝猥被身章之錫省
循何幸俯俸難勝伏念臣有不移之忠無適用之器襲
布常而自薦綉繁悅以奚為分三服之珍方曳裾而自
媿拜九環之重竟委佩之有光夫何衰病之軀仰冒便

蕃之寃茲蓋伏遇

皇帝陛下教子以義方之訓好賢

如緇衣之詩借以光華欲其贊翼惟少成若往但知歛
衽之恭而非礼勿言敢後書紳之戒誓殫綿力少答殊
私

慰皇后上仙表

坤元資万物之生贊成乾道慈母棄敷天之養痛摧子
心仙馭益遐宸裏尤切恭以 大行安恭皇后樛木逮
下葛覃儉躬嬪外邸以稱賢位中宮而配聖數豈有定
年胡不長恭惟 皇帝陛下道盡人倫治贊陰教諒聖
情之攸繫眷懿範以難忘功配九人迹可稽於彤管神
游八極燕永阻於瑤池然而上奉兩宮下臨九有願上

寬於悲悼廢無爽於和寧

賀皇太子踐

廷揚大號位正前星肆赦以重承祧臨軒而備典禮
廷宗社歡洽華夷恭惟皇太子殿下挺岐嶷之姿蘊
寬大之德佩禮樂詩書之丕訓明君臣父子之大綱孝
友行乎宮中仁智聞乎天下睿主義方而能教法不抗
於伯禽嗣君嫡長而又賢護矣煩於四皓某官守巴徼
神馳帝鄉仰日月山海之攸重喜七曾粲盛之有守愚
衷敢獻頌日近於正人聖孝益修當愈明於上性

慰皇太子表

人心所繫方聞出震之音天道難知遽隕前星之耀計

聞率土痛切輿情恭以皇太子殿下挺岐嶷之姿秉
溫恭之德喜愠不形於色其心有容仁誼以飭其躬有
儀可象護不煩於四皓斷自出於一人福善難憑降年
何促恭惟皇帝陛下受鍾子聖仁薦父慈澤雖沛於
金雞藥不灵於扁鵲諒肝食宵衣之際與問安視膳之
思然修短皆繫乎天雖聖賢莫逃於數昭明有孝宜為
梁室之儲子晉已仙願釋周王之念

辭起居舍人狀

竊以起居之職言動是司君無幸而不書事有聞而必
奏於清光為最近直筆而尤難非得名儒曷稱妙選
臣李術淺陋性資狂愚上皇策之於布衣誤被親擢

陛下識之於潛邸首膺召除方居列宿之聯輒貳司成之教細書史館進說經筵皆李者之至榮豈臣愚之敢望蔑有寸效遽叨峻任必致可畏之言以速不才之咎仰祈眷眷追寢異恩俱愚分之獲安庶輿論之惟允所有恩命未敢祗受謹錄奏聞伏候 勅旨

辭免兼侍講

臣伏准 勅旨除臣兼侍講者臣聞命驚震固知所措竊以歲輒屢遷者古人之所深戒身兼數職者通才猶不克堪臣近被召還濫官執秩與史館編摩之選叨露門講說之聯每拜命而若驚營力辭而不獲辰未再浹而遽貳左李朔終五易而躡坐右螭俱弗稱於一官可

更兼於兩職况請讀方執經而入侍而記注常執筆而在旁各有攸司若何可攝將物議之不免謂聖恩之或私敢望睿慈追寢成命遴選碩學講聖人所親作之經庶俾愚臣專天子不自觀之史

辭免侍御史狀

辭免第二狀

辭免權吏部侍郎狀

臣今月十二日伏准省劄奉 聖旨除臣權吏部侍郎日下供職者臣緣今早上殿自劾不合力贊 陛下恢復及委任張浚事乞罷 臣侍御史之職仍賜竄謫今來得旨除 臣上件職是求罪而得廷何以塞群議 臣不敢

洪戰所是省劄已繳納尚書省臣今居家待罪欲乞眷
斷降出臣自劾之章使中外曉然咸知臣罪速正典刑
以為臣子之戒

辭免第二狀

辭免除集英殿修撰狀

饒州乞祠狀

辭免知婺州狀

梅溪先生後集卷第二十二

啓

及第謝宰相

地借玉堦恭上萬言之對名登虎榜濫居千佛之先揣
分踰涯撫躬知愧竊以奏言試功者堯舜遺意臨軒
士者祖宗令規一新熙寧之科備見神廟之志謂三題
不足發子大夫平日之蘊蓄而群策可以陳我國家時
政之闕遺著為永彞以幸多士夫何首當時之選者無
切直之論遂使擬進士之對者有阿諛之譏既波蕩以
相承致源流之寢失近代尤甚澆風益滋大臣多忌而
動有嫌疑君子者懷憤而莫伸梗槩物極必變道開始公

申嚴密之禁而務在令行防壅蔽之害而悉闕聖覽求
忠讜則丁寧有詔第高下則寔褒有辭既當清明不諱
之朝宜得瑰偉非凡之士如某草茅賤子庠序輒生由
行藝以進升厠英髦而掖試俯慚俗李策無可取之二
三仰惧天威事去欲陳之五六念交淺言深猶或不可
非主聖臣賢其能有容龍匪怒其嬰鱗龜偶居於前列
上自親擢受知不減於孫洪言畧施行悟意有踰於賈
誼靜惟僥冒抑有夤緣茲蓋伏遇僕射相公以道事君
無私應物蚤羽儀於法從茂著忠嘉今掌握於化均亟
圖康濟披露封章之請益開宸聽之聰獎勵進言得裴
宏中之大体深銜譏政戒李吉甫之禍心蓋將植太平

之基豈獨為諸生之賜某敢不益堅儒業恪守官箴勉
來事之可為慕古人而有作不負天子惟殫精白之心
願為良臣與奉周旋之誨過此以往未知所裁

張叅政綱

某官厚德鎮浮宏材按萃為一時之耆彥聳百辟之表
儀明以保身揖高風於赤松子任而共政繼前列於曲
江公欲振起斯文於委靡之餘遂將順其美於聽納之
際

陳樞密誠之

某官稟純粹清明之姿富博洽宏深之學茂明大對擢
桂林之一枝踐歷要途搏鵬程之万里夙膺宸眷進握

兵摧材兼文武而夷夏聳觀榮冠古今而縉紳景慕惟
昔漸陽公之德化竊嘗聞夫子之文章方漸不肖其範
模何意克傳其衣鉢

楊侍郎椿

某官李極群書文優四傑繩繩議論有眉山先生之流
風籍籍聲稱繼閩西夫子之遺懿允矣儒林之冠儀乎
從橐之班承師枕席而既被作成奏對楓宸而復膺推
獎

李侍郎琳

某官模楷上流羽儀朝著分符便郡循良遠過於龔黃
持橐從班儒雅同拈於班馬比膺詔綍親職文衡造委

靡而振士風進忠謹以當上意

賀侍郎允中

某官為世儒宗握時文柄實杜牧於高第本崔郾之公
心號李白為謫仙見季真之雅識為盛代而開公道蒼
吾君而求直言遂致繆庸首膺選擢

劉侍郎才邵

某官學校舊人文章大手仁為已任典刑備著於老成
道與時行德業兼全其久大峻班行於筆橐演誥命於
絲綸主張斯文提撕後進

王侍郎傑

某官朝著老成士林碩望蚤被知於宸衷久更踐於禁

途出鎮侯潘謁黃霸循良之譽入司國計得劉晏取予
之宜欲振起斯文於委靡之餘故將順其美於聽納之
際

陳侍郎康伯

某官器粹璋璋孝深淵海蚤著士林之望亟膺宸眷之
知高玉山恬養之風久淹琳食復紮崇清華之舊超冠
天官欲振起斯文於委靡之餘故將順其美於聽納之
際

張侍郎

某官學海淵深量陂宏大蚤著士林之望久膺宸眷之
知居粉論思豈獨得舉陶之理發明仁恕蓋能紹廷尉

之平欲振起斯文於委靡之餘故將順其美於聽納之
際

王舍人綸

某官心醉六經名先四傑詞章典雅有漢朝制誥之風
衡鑑精明繼宣公考校之盛振起吾道主張斯文遂令
舉首之榮濫屬宗盟之末

趙舍人達

某官挺秀坤維結知天眷策名龍首茂騰四海之英聲
執筆螭頭益厚一人之寵遇振起吾道主張斯文遂令
射策之諛聞輒繼傳衣之盛事

周舍人麟之

某官魏擢異科荐更要職黼黻河漢祠章不減卿雲羽
儀天朝人物有如晉宋振起吾道主張斯文遂令鼯爾
之才輒玷褒然之舉

孫少卿道夫

某官挺秀岷峨騰英庠序揆黼黻之文於方冊謁袴襦
之詠於蕃宣瑣闥來歸快郎星之先覩曲臺進擢仰卿
月之清輝比掌文衡親承御札哲鑑獨高於衆目狂言
特薦於匹夫幸出自天恩歸無地

周侍御方崇

某官剛毅不回精忠自守雍容禁近筮鵠鷺而接夔龍
排繁姦邪若鷹鷂之逐鳥雀比膺詔綽親職文衡猥收

狂率之言上副聖明之旨

王殿院珪

某官受氣剛方立朝挺正位升橫榻益揚蹇諤之風望
蒼中臺克盡糾繩之職力主張於公道務振起於斯文
遂致妄庸叨膺選擢

凌司諫哲

某官勁持不回端方自守直言中病有王魏善諫之風
奏臺屢焚無管晏暴君之失力主張於吾道務振起於
斯文遂致繆膺誤膺選擢

王郎中剛中

某官問學淵深氣節洪毅楓宸射策名切亞於龍頭簡

省懷香望獨高於鶴序惟文柄之有屬体上心之欲求
揭以平衡志不囿於馮宿借之褒充言有既於劉蕡遂
令舉首之榮濫被宗盟之末

孟郡王

某官器粹璵璠慶傳珪組襲垂聖大才之儒雅光隆祐
奕世之德勲政邁龔黃作股肱於藩郡望高陰馬資肺
腑於懿親方詔復蓬萊之遊俄榮拜瀛洲之長有光吾
道將振斯文遂令菟瓊之派首被甄收之列

與紹興趙敏撰令詔

假道治封曾快瞻於趙日劾官幕府遂託詞於蘇天晃
遂有期崔瞿良甚恭惟某官宗盟擢秀桂籍揚芬蘊無

施不可之才著所至有聲之績儒雅昭同於歆向德名
無愧於閻平將命外臺威動南閩之山嶽分符巨鎮誥
興東越之袴襦矧茲會計之邦實號蓬萊之地俯臨禹
迹仰切堯階為二制之雄藩總七州之生齒既近而大
有如此非親且賢其孰宜坐收作牧之功克壯維城之
勢治優方面姑為分陝之召公心在朝廷行作相周之
衛武某東嘉白屋太李甄生慙無童相之文偶擢平津
之第向來披霧識金枝玉葉之標比日望塵與綠水紅
蓮之各材自慙於樗櫟賜端賴於悌懷尚期國士之知
庶免簡書之責窮禹穴稽山之勝竊效馬廷賦鑑湖秦
望之奇願陪元稹

與邵提刑大受

慎水望塵幸識紫芝之眉宇稽山尤耿願登元祀之門
墻行遂見趨預深雀躍恭惟其官道備德美材通器閱
戩史中外而所至有聲節著險夷而無入不得方天子
重外臺之寄以星郎摠列郡之權幹山海之歲劉晏明
於取予聽獄訟之會不疑多所平反已觀報政之成矧
復去天之近文帝受釐宣室久有所思望之雅意本朝
寧勞于外如某者簞臺未喬槐市鯁生慙無董相之文
偶擢平津之第紅蓮綠水方期遠宦於秦淮手板青衫
茲幸近遊於禹會昔快披雲之願今諧執御之祇從政
未優何止受東諸侯之約束資身無策更當借部使者

之吹噓

答蕭山宋知縣敷

願迹縉紳稔服箕裘之譽効官藩府偶同州縣之勞雲
披未諧山仰弥甚某官中朝大族當代偉人世著才名
喜景文之有後業傳清白得廣平之遺風暫淹万里之
鵬程聊試一邦之牛刃下車未久製錦已優願勤撫字
之心益著循良之治坐見鳴琴之化無媿魯恭行膺褒
德之封有同卓茂

答嶧縣丞

窮居慎水未遂識韓易任稽山行將訪戴某官人材現
異吏事優長暫淹千里之騰驤來賡一同之教化况矧

谿蘊秀之地貳令為難以博陵種學之賢負丞何有不待報政行膺美除

答上虞陳縣尉損

隸業賢閔共十載壘蓋之苦効官藩府分一時州縣之勞結同舍之金蘭對尺書之面目披雲有自傾蓋可期某官種學淵源負才卓犖馳英聲於槐市擢榮第於桂林白面紅顏矧作神仙之隱吏金章紫綬行為臺閣貴人輿論所期私心尤祝

答來司戶師韓

則迹縉紳雅欽高譽効官幕府遂獲同僚未遑尺牘之修遽辱明緘之及某官家聲素著吏李宛滎州縣勞人

姑為阮瞻三語之掾文武有種行繼李唐四子之風靡待政成佇膺詔擢

與都提舉

伏審光被宸恩榮持使節輟握蘭之高選臨製錦之舊遊除目初頒提封交慶恭惟某官裔傳臨晉秀挺丹陽早收科第之榮屢更州縣之職學無入而不得治所至而有聲帝謂儔若子工姑暫勞於作匠官雖上應列宿寧又困於為郎方清朝重外臺之權以大賢膺列郡之寄右稷居播奏之職能懋遷於有無劉晏幹山海之歲宜益知於取予第恐宸心之念賈佇聞詔墨之召參暫屈使軺即持從橐

與安撫王閣學師心

伏審光膺宸命榮駉大藩輟喉舌之近司昇股肱之重
寄除音初布輿論交歡恭惟某官望重三朝才高列辟
學通今古而無入不得任更中外而所至有聲進長天
官帝命素優於出納屈臨方面王畿允賴於藩宣矧茲
會計之邦實號蓬萊之府俯臨禹會仰切堯階為二浙
之雄都揔七州之生齒既近而大有如此非勲且賢其
孰宜坐收作牧之功益著惟良之績越國之人方瘠上
之委任固非輕漢庭之位尚虛公之來歸其非晚某僞
負幕府託此悵懔民事未知寤寐敢忘於天語仕途初
筮吹噓端藉於宗工

賀趙侍郎令詔

伏審光奉宸命榮廷地官親賢見用於朝中外罔不相
慶某官玉牒歌向朱轡趙張豈惟標準於宗支固甚練
達於吏事使輶屢如西輿南閩十好之謠符竹荐分繼劉
寵一錢之譽果蒙親擢魏領貳卿方國廩之未豐在版
曹為尤急省用斯能足用生財莫若節財願於論思獻
納之時力陳本末源流之計贊漢文之儉德革唐室之
私藏無若延齡援經誼以惑主宜同李絳不進獻以結
恩要令粟腐於太倉罔使錢泄於異境主聖如此公言
必從坐收取予之功行處弼諧之任某叨與幕府獲依
大賢雖贊畫有愧古人然至室必以公事性素傷於愚

直事每荷於寬容顧震翻之榻猶存曲象爨下想元禮
之門益峻未遂重登輒整微誠遙馳尺牘

謝王舍人剛中

伏准照牒舉某自代者替畫東州仰藉宗盟之茂判章
西掖誤蒙國士之知寵過褒褒銘深肺腑竊以官居荷
從則賤在薦士識挺特達則心能及公顧雖自代之虛
文必引所知之同類歐陽持素以器識而推呂東坡視
草以文行而舉黃率由臭味之同遂有齒牙之借不事
請託自膺薦揚如某者學最空疎文尤荒陋偶中楓宸
之第叨為蓮幕之賓民事未知惟恐有負於天子王言
是代豈期見舉於公朝望外蒙恩願間增愧茲蓋伏遇

某官學貫經史文成訓謨有江左河汾之風流如嘉祐
治平之人物得用捨行藏之正氣不下於權臣當論思
獻納之秋舉輒先於寒士遂令庸繆妄辱品題某敢不
益勵操修無忘許與求之以文而應之以實端拜贈言
勉其不逮而增其不能用酬知已

答王宮教必中

倍負幕賤雅懷慕藺之誠闡教官庠行遂識韓之願遠
勤緘翰仰佩撝謙某官望重江南群空異北芹宮得雋
實多士之宗儒棣萼齊名皆一昔之人傑式觀介弟之
器識仰見難兄之範模將儀表於天朝姑作成於宗子
庶俾神明之裔陶成信厚之風

答周主簿賀正

行夏之時允協三陽之應履端於始光膺百福之來德
荷過謙禮象倒置其官望隆越絕秀蘊刻豁鵬躍天池
偉矣周郎之年少鷲棲枳棘蔚然仇覽之才華某叨預
同年獲伊巨庇賦椒花之訟獻雖後於元正占茅茹之
爰其必同於他日

答慈溪姚知縣應辰

昔登蕃榻雅蒙眇昧之私茲宦蠡城首辱緘封之賜俯
增銘感仰風謙冲某官操行素修性資深厚克振箕裘
之業荐更州縣之勞斯立不負丞吏寧容於摘紙子將
善為宰治何勞於割鷄課鼠已聞召擢伊邇某濫塵科
太晚負負何言瞻鳧舄之匪遙拳拳不替

與徐提刑度

伏審光膺宸命崇總憲綱政已報於江東臺復移於浙
左快覩除日慶溢部封恭惟某官天賦材猷家傳事業
蚤登群玉之府上應列星之經輝棗萼於一門結崇陰
於西郡方外臺之寄為甚重非識治之材其孰宜劉晏
理財何止為管籥之亞有功治獄當遠過于張之賢暫
屈使軺佇持從橐棊漢庭竊第越幕備負民事未知有
負一聖天子之明訓仕途初筮尚期部使者之寬容

答會稽錢知縣

宗官家傳忠孝世襲簪纓治所至而有声才無施而不
可矧會稽之大邑實吳越之故封先王之遺愛尚存百
里之良民易化况舊令尹之治方結於去思聞今大夫
之賢益快於先覩靡俟報政佇膺迅除某竊第懷慙備
負亡補幕中賫畫叨為王儉之下僚堂上鳴琴行觀單
父之美化

謝王安撫

伏惟照牒舉某應四條旨揮者楓宸射策濫居多士之
先蓮幕效官誤玷四條之選感深肺腑况益面頰切以
國家廣敷路以既人神聖集衆賢而共理既以進退黜
陟之權昇之宰相吏部又以按察舉刺之職委之郡守

監司逮元祐之乘簾起大儒而當國舉直措枉紀綱既
正於朝廷激濁揚清除目載頌於郡縣去苛倭貪懦之
四害取仁明廉直之數長議雖建於當時事始行於今
日首膺茲選若唯其人如某者素無技能偶竊科第積
畫雖久膏然民事之未知忤意何多嗟爾人言之可畏
息未酬於親擢期甫及於終更退而自顧則寸無所長
進欲有為則尺未嘗枉譽誰肯借况無韓子之三書薦
不待求忽拜山公之一字靜惟僥冒抑有夤緣茲蓋伏
遇某官一代宗儒三朝耆德入處天官之長出居方伯
之尊循良實邁於龔黃寬厚昭同於婁郝雅意本朝而
忠可見嘉猷我后而人不知建文正之祠用清白以規

下行溫公之議薦賢才而報君遂致繆庸亦膺甄錄其
敢不益持士檢恪守官箴懷惓惓賦明之忠勵蹇蹇王
臣之節就有道而正己為可用以待時朝拔一人而莫
後一人叨與取尤之列待以國士而報以國士敢忘知
已之恩

答諸暨王縣尉萬章

地震颯閔叨與宗盟之末職分州縣獲同王事之勞首
辱明臧仰欽厚德某官才高四傑望重三珠騰槐市之
英声擢桂枝之高選東州蒞仕暫宣綵捧之威當宁急
賢行應紱泥之詔某備員亡補竊食懷慙泛綠水而依
蓮倦游儉幕具扁舟而把釣欣遇梅仙

答邵縣尉謝解

戰藝潛臺登名天府魏中有司之選仰欽所業之精縉
紳聳觀縫掖歆慕某官群空異北風繼召南試混諸生
不作衛公之耻材優萬中果騰張鷟之聲富貴殆將逼
人科第何足恩子佇從山吏徑到蓬山某叨與同僚獲
觀盛事都騎顧我端繇臭味之同長牋拜嘉輒請報投
之好

答陸解元謝解

得雋文場登名天府巍亞褒然之舉仰欽卓爾之才鄉
詳甚休言論無異解元雲間馳輿羣下有神明疏通知
遠之經工篆刻彫蟲之技慶囊脫穎何止定平原之從

射策決科行將擢公孫之第某倍數幕客獲觀薦書竊
喜東州之有人預期南省之得士

答高解元謝解

游翰墨之場俊同子美登賢能之籍名繼牧之有司甚
明士論無異解元家声掃魯經李義文手劍登壇作平
原定從之客筆鋒鏖戰繼澶淵却敵之風鼓勇春闈唾
手捷第

答諸葛解元謝解

游翰墨場雅負少陵之志登賢能籍兼聯必阮之名鄉
評甚休士論無異解元譽擅文虎風傳臥龍明溫柔敦
厚之經工篆刻彫蟲之技處囊脫穎何止定平原之從

射策決科行將擢公孫之第

答周主簿賀冬

日導南陸君子之道方亨律應黃鍾天地之心可見肇
迎長景榮邦短歲某官學不止於決科材已優於為政
寫鳳接枳棘暫淹州縣之勞鵬鶚在秋天行赴功名之
會顧一陽之初復茂百福以來綏某托庇同年竊祿仙
里登觀臺而望方執筆以書雲懷剡溪之人欲挈舟而
興雲

答孫通判

觀喬木而思世臣雅欽偉望泛紅蓮而荐幕府叨與下
僚第去官之匪遥恨事賢之太晚朋緘下拜謙德有光

某官挺生相門妙有家學與公之才名冠世親得其傳
叔教之陰德在人固宜有後先正亡而象賢在權臣死
而公道行宜相繼於鳳池寧久淹於驥足佇自別乘榮
躋要途某竊第懷懃効官無補贊商陽洪農之畫有愧
范岑賦監胡秦望之奇願陪元寶

除館職謝宰相

右某蒙恩授前件職者泛幕府芙蓉之水吏責幸逃登
道家蓬萊之山恩光誤及俯懃諛學溢與英躔竊以地
號西崑象符東壁兩京事實石渠天祿東觀皆其名一
代人才劉向揚雄班固為之傑逮我有國尤清此途名
燕三館之崇事異群司之比書藏延閣富不減於開元

人到瀛洲榮愈加於正觀有下筆如神之士無上車不
落之流器業於是乎成公卿多自茲出雖曰文行素著
科目最高必俟大臣之薦論斯用故事而召試力可求
而得者則禁其私請書不程而命者蓋出於異恩韓魏
王奮自甲科猶薦而後召蘇內相擢孫制舉亦試而後
除孰謂不才乃叨殊選伏念某性資愚鈍術業空疎避
三舍於廣場屢焚筆硯終一星於太學始脫蓬壺瞻天
顏咫尺之威借玉階方寸之地初乏茂明之對偶膺
親擢之榮誦言豈逮於劉蕡試吏僅同於蕭傳固嘗効
太史之探穴然未若中郎之得書期方幸於及瓜言旋
東梓坐靡容於暖席遽奉絲綸脫迹諸侯之賓觀光群

王之府識曷堪於是正誦寧免於何如魯三威七穆之
未知豈八索九丘之能讀堅其所守而已佩聖訓而
不忘非爾其誰居之拜王言而增媿茲蓋伏遇國
史僕射相公事業稷卨文章訓謨寅亮天地弼予一人
端能得宰相之体旁招俊乂列于庶位將以立太平之
基好賢每過於緇衣下士罔遺於白屋况內以國本未
定之為念外以敵情不測之是憂陽非衆則曷能勝陰
文不修則何以濟武神聖以安危注意社稷之輕重
繫公無說維人大亨以養一舉得垂天之翼燕收取敗
鼓之皮謂昔嘗涵於文衡故今復歸於化冶其敢不芸
披蠹簡燭照神藜讀黃香未見之書覲聞大道行宣公

不負之學願事聖君過此以還未知所措

陳右相

志存社稷身任股肱宰相以鎮撫四夷莫予敢侮丈夫
當掃除天下舍公其誰謂事君莫如以入故在上必引
其類

王樞密

有仁者之勇以直道而行幾微不見於面顏精神折衝
於樽俎忠義有激太山并一擲之輕議論所加敵帟增
千金之重

葉樞密

養以剛大動惟直方正色霜臺嘗落李祐之膽決勝籌

帷必寢淮南之謀謂事君莫如以人故在上必引其類

卷梁狀元

漢延多士策董相以天人閩產異才榜歐陽於龍虎雋
聲籍甚輿論翕然伏惟狀元譽重泉南群空冀北鄉薦
爨居於前列士流咸伏其下風繇蘭省以魏登造楓庭
而旅試論列歷代則深明治體條陳三弊則咸切時宜
有司第其文寘在三人之列天子異其對擢先萬國之
英富貴行將逼人科第固已恩子願行所學以報吾君
某切與周廬獲觀大對備晁孫之盛事屬灑固之名家
第欣首聽於傳臚詎敢妄論於衣鉢都騎顧我端絲臭
味之同長牋拜嘉輒請報投之好

卷許狀元克昌

欽雅望於月評簪纓世襲冠雄文於策士衣鉢家傳輿
論翕然雋聲籍甚伏惟狀元種學良苦摘詞晁工試屢
混於諸生不作衛公之恥文四舉於禮部始成韓子之
名達茲核奏於廣廷果能展盡其底蘊問當今之務則
固悉陳其大体論歷代之治則以為無所容心故事有
拘雖屈居於王後大名已著其誰能與許爭行所學以
事君踐斯言而正已佇從仙吏徑到蓬山某備員殿廬
欽閱廷對竊喜鴻臚之唱首傳太嶽之孫慶熙朝之得
人辱都騎之顧我銘感謙德嘉臭木之相同珍歲盛文
之瓊瑤之足報

卷丁狀元時發

廣廷待問竊喜朝陽之鳳鳴平地登仙咸羨遼東之鶴
化輿論甚美斯文有光伏惟狀元挺秀海陵蜚聲天闕
文掃科舉之習言懷明弘之忠以元氣之盛衰喻目
之治亂論一國一代一時之政有寢明寢昌寢微之風
如使生漢文之時諸老其孰先賈誼假令居李唐之世
有司必不第劉蕡因吾子之敢言見清朝之不諱願
素蘊以事聖君某叨與周廬欽閱大對喜皇朝之得士
知天下之有人聽臚唱之傳增縉紳之氣都騎顧我
草木臭味之同長棧拜嘉之瓊玖報投之好

卷南劍州王守密

備負冊府誤叨佐講之榮託庇宗盟重拜朋緘之貺俯
慙僥冒仰佩謙冲某太學軀生東嘉冷族折鑿官之柱
濫廁薦紳泛幕府之蓮獲事君子幸逃罪戾荐被寵光
燭照神藜與英躔之末選書紳金匱專史筆以何堪拜
命若驚蒙恩有自某官家傳政學天賦材猷半刺東州
聊展騏驥之足一麾南郡行歸鴛鴦之行不棄故僚曲
加厚禮對尺書之面目如見德容望千里之門墻莫伸
謝臆

卷温州詹通判克可

歡騰梓里共稱半刺之賢祿竊蓬山遽拜朋緘之貺俯
懷愧惧仰佩謙冲某官秀挺玉山望隆渤海訓早聞於

詩禮業不墜於箕裘先正言居宣政之間稟聞風采賢
別乘貳濠温之郡蔚有聲名初登感彩之堂首贊褰帷
之治龐士元騎驥之足庸能久淹謝康樂山水之州固
已改觀况聖君懷故國之喬木而太史有封事之甘棠
必起象賢以慰輿論其東嘉冷族西觀小官喜父母之
邦得神明之吏對尺書之面目如見德空望千里之門
墻莫伸賀臆

答樂清徐令森

牛刀再鼓鳥鳴遙臨喜子晉之江山得偃王之苗裔首
拜朋緘之貺仰知謙德之光某官天賦吏材家傳政術
倦游仕路飽諳閩浙之風荐綰銅章盡得温台之地

况此樂成之小邑有同臨海之近州吏苟非賢人亦好
訟允賴循良之治痛懲貪鄙之餘覩已爭先来何太暮
某象恩補外需次還鄉幸父母之邦得神明之吏見書
中之面目已得其人聽堂上之絃歌願觀其政

答曾知郡汪

竊第奉常雅資博約備負兩府端藉次噓敬觀褒借之
詞仰佩謙光之德某官心傳一貫名繼三魯學探天人
庸止文章之富才宜臺閣詎容州縣之淹昔游宦於樂
成最留心於鄉校經橫絳帳躬率諸生遂能於數載之
間翕然變百里之俗弦歌滿邑化端自於言游龍虎成
名功實歸於常袞遂令愚繆亦與作成某敢不益勵操

修用酬知遇對尺書之面目如際高標詠雙柱之篇章
寧忘盛德

與梁司諫

伏審光膺親擢榮陟諫垣方朝廷多事之秋承風俗積
弊之後內有群陰之壅蔽外有強敵之憑陵當言者不
言而惡人之言已嘗斤立仗之馬今日乃何日而不鑒
昔日其可忘覆轍之車茲幸正人進當言路固宜犯顏
而首論大事毋用削橐而務為小忠天子以為是諫官
以為非言嘗聞於前輩君子有所恃小人有所畏人皆
望於明公庶幾無媿古者之七人斯能上繼先朝之四
諫某受知有素贊喜尤深輒獻狂瞽之言以為塞謬之

助

答賀封贈

色慘松楸思親不見恩露泉壤拜命增悲媿謝臆之未
據辱賀賤之先及其為感激罔罄敷宣

答樂清洪縣丞藏

詠南國之甘棠久思召伯對藍田之鉅竹喜見崔丞朋
緘寵貽謙德加厚某官心傳家學天賦吏材挺挺有祖
風翩翩佳公子先尚書承流宣化遺愛猶存賢貳令種
學積文負丞何有贊一同之教化繼八座之箕裘靡待
政成郎膺詔擢某鄉評下士祠祿兄官喜父母之邦得
神明之吏視印未久已驚鳧鷖之行掃門有期一快鳳

星之觀

與張侍郎闡


伏審光膺宸命榮貳冬官恃帝幄以橫經極儒臣之高
選恭惟某官抱器遠大稟資直方昔游用府而讀異書
首忤權臣而歸故里二十年不調節尤著於固窮五百
歲相逢力蓋繇於稽古燕公乃東宮之舊番侯為帝者
之師願於論思獻納之時力贊剛明果斷之主登衆賢
而開治表慰四海之想中興此多士所望於公非小子
敢私其貺倚頌大拜式慰輿情

答新昌李縣丞結

聞諸公文譽願登元禮之門見千里尺書已識泰和之

面第朋緘之禮太厚致下拜之容有慙仰佩謙謙俯懷
栗栗某官元精華胄河洛名家摘光豔於唐翰林文固
有種探淵源於周天下學豈無傳蚤工五色之詞宜繼
八埒之譽戰則必克恥泥試於諸生丞雖負于帥貳令
於一邑雅負經綸之業豈淹州縣之勞佇自松廳徑躋
蘭省某方竊祠廩誤膺郡音退惟僥冒之餘諒自吹噓
之素登會稽而觀禹穴雖歲月之不同夢春草而思謝
池顧精神之已接

梅溪先生後集卷第二十二



梅溪先生後集卷第二十三

啓

荅喻提舉

備負槐市濫接英游載筆瑯切誤膺親擢與史館編摩
之選叨經帙講讀之聯才素乏於寸長身曷堪於數載
靜惟僥冒端自吹噓某官一代宗師四方儀表飾事必
以儒者之術宜其有聲育材而得天下之英可謂至樂
傳衣鉢者不知幾輩登門闡者皆第一人觀其拔士而
得尤知其樂人之為善遂致狂妄亦蒙獎提見千里面
目之書寵已華於袞繡記一人言動之實庇方託於悒
悒

谷樊提刑光遠

誨諸生於館下濫與英游職內史於螭頭誤膺親擢既
與編摩之選仍叨講讀之聯才素乏於寸長身曷堪於
數職息踰望外媿溢顏間某官諸儒範模群吏師表壇
聳名於蘭省從耳風采於柏臺帝嘉共理之良治務惟刑
之恤師吏以儒者之術存心得君子之仁北斗太山學
者咸仰歿膏賸馥後人悉沾師友之選極一時詩禮之
傳有二子誦高文於方冊未窺夫子之墻論末契於年
冢端在丈人之行故茲僥冒實自吹噓

谷温州莫守伯虛

某官天賦材猷家傳政學輟列星之高選蒞二浙之名

邦况先大夫有遺愛于此州而賢刺史復共理于今日
變千里歎愁之俗繼萬民安樂之謠凡居菽芻之陰率
被旃幪之賜故茲僥冒端自吹噓

谷木狀元待閣

竊以君子六千人定霸成期於一戰扶搖九萬里冲天
遂冠於群飛真國士之無雙誠後生之可畏大名藉甚
輿論翕然狀元氣稟東嘉心潛西洛探索靜精微之首
工雄深雅健之文蚤蜚泮水之聲巍拾計臺之薦奪魁
蘭省賜第楓宸銜錦標而歸事端同於盧肇成亦璧之
捷年正類於周郎振賦海之名家符漲沙之勝地極書
生之榮而還故里盡人子之樂而奉双親水綠蓮紅姑

暫游於侯幕氷清玉潤行同集于鳳池蔚為邦國之光
奚止鄉閭之慶某壘益舊業梓陳人濫陪鸞鵠之群
親覩鯤鵬之化世當漢武而異人輩出非遇時焉致此
乎才非靈運而作儒在先然其年不可及矣科第既以
恩子富貴行將逼人頭不負於君親當相期於遠大

谷黃狀元洽

賢閔校藝雅欽江夏之無雙蘭省掄材魏覈冒山於策
二雋聲藉甚輿論翕然狀元名聞綺園才優盧駟翱翔
乎教化本原之地沉潜乎疏通知遠之經說若稽古何
必三萬言讀武成篇惟既二三策見蕩蕩巍巍之為克
舜知灝灝噩噩之曰商周倘借玉階必陳三陣之要術

拾地芥豈惟一經之明尚淹卓爾之才僅亞褒然之舉
况閩有異人而素先虎榜黃為著姓而爰出龍頭綽有
家風蔚為盛事其壘益舊業場屋陳人濫陪鸞鵠之群
親覩鯤鵬之化喜太學得人之盛快真才擢第之高願
不負於明君當相期於遠業

谷立狀元密

賢閔戰藝筆屢掃於千軍蘭省掄材名遂參於三傑雋
聲藉甚士論翕然狀元蘊秀江陰蜚英浙右蚤游天子
之學獨抱聖人之經固嘗浚井而得泉奚止屬辭而比
事明一王之旨兼取左氏公羊高穀梁赤之長觀三策
之文庶幾晁錯董仲舒公孫弘之對魏折蟾宮之桂首

探杏園之花衫鬢方青富貴已通

春莫守賀冬

伏以氣肇黃宮天地之心始見日行北陸君子之道將
亨某官治有先大夫之風民樂賢師即之政茂對一揚
之復歡騰千里之謠某待次衡門阻趨賓宇遽拜緘封
之賜倍增感愧之懷

春溫守表正言序

襜被殿廬蓋適我願兮之始懷章里閑正事其賢者之
秋曾旌賀之未遑遽朋緘之先辱俯懷愧俱仰佩謙冲
某官蘭省魁儒芹宮哲匠卓矣聖賢之學粹然道德之
容議論同乎古人文章蓋其餘事方權臣用事之日官

冷廣文選

聖主當陽之初席前賈誼擢自臺察處于
諫垣言入之所甚難行吾之所素蘊首破和議力摧奸
謀有著龜先見之明凜松柏後凋之操君子以謂古遺
直天下稱為真諫官十上固爭挺表安忠正之節一麾
出守得謝公山水之州上方念之公其歸矣某蒙恩去
國需次還鄉喜父母之邦得神明之政汲長孺雅嘗慕
益臭味本同王仲宣茲幸依劉悝悵可托

春饒州蔡通判

麾出守迹濫厠於九賢同官為僚治實資於半刺禮
過於厚緘來以朋共惟某官世襲衣冠家傳詩禮學古
然後入政修身乃能治人宜所至之有声諒無入而不

得展龐統騏驥之足貳番君山水之邦靡行終更即磨
迅擢某誤被宸命濫持郡符雅聞別乘之賢喜見天書
之面通家自今日行登元禮之門異才非王孫誤倒蔡
邕之徒

答彭教授龜年

一麾出守分符濫繼於九賢同官為僚問政尤資於半
水禮過於厚緘來以朋某官秀稟丹丘名高太學擢千
佛之科第有二難之弟兄學探聖賢而志益勤文高流
輩而進未艾碩此番君之故國實維筮仕之舊游昔官
彩捧之威今長杏壇之教諸公稱其博洽多士資其範
模已遂終更佇膺召擢某濫被宸命誤懷郡章自慙么

麼之資輒拜寵褒之賜及瓜已久莫諧聯事之歡行李
尚留庶有見賢之幸

答池州韓守元龍

符分鄰壤未登元禮之門書拜朋緘如見荊州之面禮
過於厚分何以堪某官生自相門妙有家學業襲簪紳
之舊才傳經緯之餘小試銅章茂著循良之績榮持使
節深知取予之宜咸嗟驥足之久淹姑昇雄藩而共理
皂蓋東游而邦人共喜黃堂坐嘯而郡政自平罔俾文
公專美袁潮之政寧容子厚獨稱曄泰之賢靡詩終更
佇膺召擢某才居下下志在休休有慙江左之家風誤
辱楚東之名郡撫封不遠願修接境之歡甲子雖雌敢

論同真之契

答新靖州杜守明倫

守番君之國顧庸繆以何堪遊鄭公之鄉依仁賢而甚
幸禮過於厚緘來以朋共惟某官名重楚東氣鍾杜固
習家傳之詩禮富天賦之材猷自郡章之既懷惟吏事
之是究居邦必聞政稔觀九賢之風學道則愛人優為
千里之治預懷杜母之德想見靖人之心次已久需來
何太莫其科名濫竊符竹誤分自慙么麼之資仰荷吹
噓之賜見尺書面目固已知賢登通德門闌行將承教

答白待制

某官建事三朝榮聯次對與刑猶在有靖康賢相之風

文采可觀本長慶詩豪之裔奉真祠於番水繼高躅於
香山願養遐齡昂來多福况聖君思故國之喬木而先
正有克家之象賢行以滿輪召還荷橐

答沈運使樞

符竹濫分方託幘幪之庇鱗鴻遠屆遽頒面目之書盛
德謙光明緘過厚共惟某官學傳既濟文繼東陽相臺
飛半豸之聲蘭省應列星之象七閩持憲了無囹圄之
寃兩地効官潛贊廟堂之畫方聖主重外臺之寄以大
賢居將漕之權洞曉利源錢已流於地上深憂時事虜
其見於目中宣室興思蒼生望起某天資不敏吏事尤
踈臺評類韓愈之說說治考同陽城之天下罪甚多矣

部刺史想必能見容行或使之賢大夫恐不得終事

答陳總幹損

稽山遊宦屢修同舍之歡番水得書如見故人之面禮過於厚緘來以朋其官氣稟劔津名蜚槐市然膏油而讀紙上語取科第如摘領底髭弟兄可謂德星世家不忝忠肅昔宣威於吏隱今贊畫於總司績效有聞富貴將逼某誤膺宸命濫把邵麾託末契於年家借餘光於幕府願與此群空之馬致千里以奚難同江東日暮之雲對一樽而未遂

答賀樞密

伏審光膺帝制榮陟元樞播告之初迹還胥慶共惟樞

密叅政白首一節赤心四朝爵齒德俱為可尊直剛人
得其所養昔焉勇退無愧鑑湖之高今也來歸不異蟠
谿之起願用舍行藏之際實安危治亂之機大臣以道
事君春秋責備賢者不出則已必有可觀願如魏鄭公
履盡底蘊咸望謝安石大慰蒼生茲輿議所期於公非
十朋敢私其祝

答趙通判

一麾出守至仁仰戴於堯天同官為僚可愛欣逢於趙
日紀過於厚緘來以朋其官窺折桂榮聯玉葉振振
周家之公子倦倦漢室之忠臣為善最樂而得於家傳
稽古入官而非以政學姑屈神明之胃暫淹州縣之勞

番君得江湖心聳令茲邑麗統展騏驎足來監此州行
起宗英入扶王室某誤息得郡仁術治民閱三月而政
未成思九賢而夢不見喜可知也幸王事之獲聯爭先
觀之與邦人而共快

荅樂清權縣求司法

平寬守法雅聞三語之賢愷悌攝官優布一同之政礼
過於厚緘來以朋某官天賦更材家傳政學于公世有
隱德釋之獄無冤民考已及於書三人咸思於借一藁
爾樂成之小邑久哉令尹之乏人貪有至於賊民懦或
聞於畏吏口南金而守明府有類真源律大法而礼人
情茲逢卓茂允賴循良之治來綏凋瘵之民覩必爭先

聞猶失喜某遠游江左承乏楚東幸父母之邦得神明
之吏故鄉雖遠未聞言偃之絃歌扁興已濃及見河陽
之飛李

荅荆南李太尉

適壤子之邦方將問政識荆州之面何待封侯某官裔
出隴西群空冀北稟漢將無双之氣懷周臣不二之心
邁方畧於孫吳為國家之英衛受知於上晏持大將之
權開府于荆益重長城之寄虜不敢動時方賴公某之
任遠邦假塗重鎮觀尺書之面目喜其可知聞萬福之
威名見已大晚

荅歸州周守

聲迹相聞同震浙江之左封疆非遠並遊巴蜀之東
來以朋禮過於厚某官詩書奕世簪紱傳家挺秀氣於
三衢馳英志於列郡展騏驎足嘗佐苗人之邦分銅虎
符遙臨楚子之邑化已形於千里治未及於期年更不
俟終召其非晚某備員番水易任夔門將假道以觀風
且登堂而問政面目之書已見喜得其人唇齒之邦是
依言歸于好

答周運使

行或使之難方歌於蜀道喜可知也夢已見於周公詞
觀三峽之流書觀千里之面禮過於厚緘來以朋某官
姬籙傳芳坤維挺秀文非少而且重厚藝雖多而不吝

驕才學俱高子雲相如之徒也名德兼著君平仲元其
人歟藹蜀郡之鄉評最普慈之治績方聖主圖中興之
業以大賢居將漕之權拜使節於一川揚仁風於列郡
以身化下小攬轡之范滂用義理財鄙流錢之劉晏矧
輿議之素屬豈計臺之久淹更不待終召其非晚某備
員番水易任夔門將入境以觀風且登堂而問政叱王
尊之取險不憚於登天依常臯之賢易端同於履地

答查運使

三峽倒流難敢辭於蜀道一麾出守此端賴於蘇天荷
友義之素敦媿朋緘之誤及禮過於厚情何以堪某官
先朝名家今代人傑然膏油而讀紙上語取科第如摘

領底髭學兼通於古今才兩備於文武明目張膽陳治
亂於天子之前論將談兵贊籌畫於元戎之幕輟握蘭
之高選膺將漕之重權弭使節於一川揚仁風於列郡
飛芻輓粟姑心計之暫勞簪筆倚囊諒超迁其非久其
備員番水易任夔門首蒙千里之書喜見故人之面叱
王尊之馭移孝子為忠臣依常臯之賢視青天如平地

答吳紫政

一麾出守蕃宣監處於上游同官為僚謀議允資於先
達禮過於厚絨來以朋某官場屋舊人江湖名士身荐
歷於中外學兼通於古今登科五十年親見先朝之盛
搏風九萬里上至列星之躔凡後來待荷簪筆之流皆

前日含香握蘭之選孰謂諸侯之賓客乃屈四朝之老
成更豈待終召其非晚某自番君之國易夔子之邦久
遠數仍之門墻忽見天書之面目以幕府而待杜老豈
同叢劍南避正堂而舍蓋公頌效曹相國易夔子之邦

答施州甄守

三峽倒流方嘆川塗之險一麾出守遽蒙牋翰之修德
厚而謙恭過於禮某官中山華胄西蜀良家才兼文武
之全性稟忠義之實矯命制難陳湯有得於行權投筆
立功班超宜侯於定遠既龍韜豹畧之屢試姑皂蓋朱
幡之暫乘控巴地之上游守清江之名郡化已形於千
里威且震於四夷更靡待終召其非晚

荅周運使

老向巴人方起杜陵之嘆憂銷王粲幸依劉表之賢使
已近於光華禮將勤於吐握某官道師孔孟才配卿雲
金門玉堂謂踐揚之已久木牛流馬奚飛輓之尚淹詔
將下於蜀天公其歸於魏闕某敬拜宸命行趨計臺媿
謝牘之未修辱賀緘之先及同西州之士願承教於鄉
先生與列郡之民咸託庇於部刺史

荅茶運使

渭北江東起日暮春天之嘆烏蠻鳥道同孤城絕塞之
遊行或使之喜可知也某官雁塔前輩麟臺故人既臭
味之素同亦行藏之不異愛君憂國抗章如出於一心

持節分符遊宦相從於萬里某敬拜宸命將趨計臺媿
謝牘之未修辱賀緘之未及傾蓋如故久論程孔之交
呼酒勸君行講韓張之好

荅潼川運使何舍人

番水期年治七善狀夔門萬里地竊巨藩揣庸繆以何
堪恃高明而自尉某官學本自得才尤不群道造子思
之誠氣養孟軻之浩際立角出於永嘉多士之地難進
易退於權臣用事之秋竊然稱鄉先生卓爾為天下士
分符持憲不辭蜀道之難憂國愛民寧羨錦城之樂
某叨預梓里稔聞月評仰齒德爵之俱尊喜風馬牛之
相及叱西州之馭稔孝子而為忠臣依常阜之賢視青

天其如平地

答前四川茶馬續修撰

國遊夔子稔聞舜友之風地過荊州未識韓侯之面目
仰瞻於數仞遽下拜於雙絨某官虞庠舊人晉國奇士
仕途歷三十年之久鵬程搏九萬里之高牧民如牧羊
為治素同於卜式問人不問馬存心無媿於宣尼坎則
止而流則乘仕不喜而已不愠求田問舍孰云不高結
綬彈冠亦何足慕優游里巷願養年齒然朝廷方思老
成况天下咸仰齒德宣室未前賈誼蒲輪必起枚生某
涉世最疎蒙恩誤寄方觀風而入境思問政以升堂庭
過伯魚竊效陳亢之喜書博雙鯉益嘆玉川之賢

答沈待制調

屢上詞章誤得股肱之郡未修竿牘遽觀面目之書絨
來以朋禮過於厚某官望隆若雲世耀貂蟬八詠逸才
真隱侯之華胄一門盛事實故相之難兄嘗分浙右之
符尤著閩南之績奉真祠之已久奚後橐之尚淹行起
老成以尉中外某聞分絕塞地易近藩將入境以觀風
且登堂而問政歸自夔子國奉風波之已逃遊于鄭公
鄉庶罪戾之可免

答劉大諫

屢上祠章誤得股肱之郡未修竿牘遂觀面目之書絨
來以朋禮失之過某官學貫今古心潛聖賢樂道幾於

屢空養氣本無以直然青黎燭讀異書於蓬萊詠白蘋
詩起清風於茗雪當龍飛乾道之始正鳳鳴朝陽之秋
官居諫垣色正朝路稱堯舜者無非孟子誰與王言指
恭顯者豈無京房孰若公勇道而去令名益高爭無
媿於七入貴奚煩於五馬然臧倉存而魯侯不遇既承
璫去則李絳必來益輸畎畝之忠往贊岩廊之治某叨
與同舍素蒙異知迹雖隔於江湖心不忘於館閣

答凌尚書

兩朝重望一代儒宗擢第若摘額髭巍中甲科之選理
身如梳且髮了無纖垢之汙時可用而則行道無入而
不得入則懋立朝之節出則騰治郡之聲退之以薦賢

為心天官惟允行儉有知人之鑑吏選尤精方聽履而
上星辰遽銜盃而樂賢聖久淹家食想在宸衷佇繇八
座之尊拱拜三公之貴其頃以晚進叨居下僚慙矣門
墻之遠巍然山斗之仰

與沈尚書

易郡而東誤得股肱之重去天非遠喜瞻喉舌之尊行
逐登龍敢先致鯉某官書讀萬卷名登兩科負賈生通
達國體之才有韓子涵泳聖涯之學言無發而不中最
高北闕之書治所至而有聲尤振西州之譽上意每注
於安危之際公色不變於榮悴之交人才甚難今日有
幾况當守方與衰而撥亂豈重臣可置散以授閑諒興

宣室之恩即起東山之卧某為學最淺受知實深賢關
首與於陶鎔詞掖誤蒙於薦引去門墻其已久仰山斗
而不忘行由或使而身竄於憂喜亦可知而鄉遊於鄭
事大夫之賢者竊效古人之居邦就有道而正焉庶幾
君子之好學

答姚子才

荐蒙肯顧寵示長牋豈惟嘆駢四儷六之精抑亦見聞
一知十之學方觀韓子送何堅歸道州之文端賴澹臺
助言偃為武城之治尚容再見以取謝私

答章教授

日邊得邵寄千里之股肱魚腹有書見五年之面目禮

過於厚分非可堪某官挺秀相門蜚聲帝學文法漢而
尤古詩擬騷而更工衣冠盛唐室之藹詩禮傳孔庭之
難滿門科第繼元佑省闈之風異日功名嗣慶曆名臣
之頌學無入而不得辰何來之太遲窮年屹屹膏油業
已精於韓吏部諸公衮衮臺省官豈冷於鄭廣文名譽
已崇富貴將逼某燈共座序年同遠巡懷高山流水之
音起日暮春天之嘆遠官夔子國幸已脫於風波來遊
鄭公鄉庶可逃於罪戾

答泉州交代周象政

千里分符切繼重臣之後雙緘拜賜為盛德之先觀
鳳有期續貂為脫共惟某官學術首孟人才高夔昔遇

上皇聳風來於臺諫晚事聖主贊謀謨於廟堂久均逸
於巨藩暫養高於琳宇如昔者大老之二兼天下達尊
之三益歸乎來受立作相某不學亡術見賢思齊將入
境以觀風願登堂而問政竊比曹相一遵蕭何之規真
見周公不比宣尼之夢

與福州王叅政

五載三州方幸投閑而置散一麾千里又叨宣化而承
流願大邦雖非小子所堪然便道有見先生之喜共惟
某官性天小卓材地闊深道扶孔孟而襲其傳文追揚
馬而為之配變儒風於兩學最治績於四川榮長諫垣
所陳無非大事魏叅政柄有告必以嘉猷方蹇蹇以立

朝遂營營而去國四海咸魚其復起七閩豈得而獨私
盍歸何來如古者之二大老無出其右兼天下之三達
尊願趨曹裝即膺漢詔某門闌下士學校諸生蚤親模
範之工遂玷簪紳之寵茲監膺於劇郡幸密隸於崇巖
欲問為邦竊自比於顏子願言承教終不叛於韓公

答趙知宗

五年三郡方幸投閑十劄十行又叨共理遠辱朋緘之
及仰欽謙德之光伏惟某官派出銀潢名高玉牒術業
炎劉之歆向勲謀仙李之江河兼爵齒德之尊有風雅
頌之好帝眷尤甚宗盟有光况倦倦忠臣不忘賦詠之
念俾振振君子咸陶麟趾之風佇觀昌魯之季孫行作

相周之衛武某昔在越絕獲知宗英屢陪觴詠之遊久
闕咲談之樂不謂晚塗遊宦重遇平生故人將使泉南
復繼蘭亭之盛不令坡老獨稱安定之賢

荅蔣教授

不學亡術繆懷刺史之章同官為僚行詣廣文之舍禮
過於厚緘來以朋某官姬籙傳芳莆田挺秀深究群經
之旨早聯千佛之名登科蓋已十八年讀書何止五千
卷眷此清源之郡雅為遊宦之鄉昔嗚子賤之琴今生
馬融之帳化同魯國諸生咸采於藻芹文振歐陽高第
行登於龍虎官豈容冷詔將被溫某立朝甚愚為政允
拙已五年而三郡又千里而一麾將入境以觀風且升

政
堂而問道見尺書之面已得其人游半水之宮願咨以

荅吳小菴興化陸教授

五年四郡誤懷假守之章千里尺書快覩同年之面禮
過於厚緘來以朋某官秀挺三山風高二陸才蓋由於
天賦學况得於家傳搏風宜上於天池采藻尚淹於侯
泮眷茲莆水實為冠帶之鄉宜得宣公以昌仁誼之學
官豈容冷詔行被溫某符竹濫分寶鄰是賴方驅車而
假道願問政以登堂誦十年尊酒之詩辰乎何速見千
佛明經之士喜也可知

荅任運使

五年三郡方幸授闕一札十行又叨共理首辱朋緘之
貺仰欽謹德之光某官秀挺三山名高千佛節吏必以
儒術修身本乎誠明色正霜臺風采稔聞於半多位分
卿月禮樂咸資於一變入則居清要之官出則為光華
之使著治績於數路藹歡聲於七閩姑為轉餉之蕭軋
作流錢之晏苟非仁義固未嘗陳於王前其在朝廷又
孰敢於諸任齒使軹暫屈召節昇來某涉世最踈辱知
素厚千里誤分於符竹二天仰賴於忻懽教化表而風
俗夷小諸侯敢不自勉撫字勞而催科拙賢使者必能
見容

答石察判起宗

巍中亞魁榮歸故里大策鋒傳於多士長牋寵及於陳
人事甚盛而獲觀喜欲言而不足某官家傳萬石譽擅
七閩志雅在於奪標射果聞於中目詳觀切直之對深
得茂明之宜雖策勲有蕭一曾次之或殊然公議以王
後廬前為未惟清泉紱帽處改觀於溫陵綠水紅蓮聊
宦游於越絕佇自賓幕即登道山某幸茲分符叨與勸
駕果遂郊迎之語薄摠簪盞之誠式邁其歸榮親之樂
孰加此不負所學許國之忠其自今

答郭縣尉

榮擢巍第言旋故鄉荐蒙都騎之臨重拜雄文之貺老
獲觀於盛事喜實倍於常情某官經曹獲麟文冠薦鶚

蘭省復居於前列英聲益重於南州暫庵龍虎之美名
姑作神仙之隱吏力蓋由於稽古人感貴於為儒託諸
空言科第既已恩子行其所學忠孝可以立身微聖賢
其誰與歸於禮樂必從先進願自今日以觀遠猷

答興化何知軍

地異楚齊海不分於南北國猶魯衛政竊比於弟兄况
為天子守土之臣宜講諸侯睦鄰之好禮過於厚緘束
以朋某官挺生相門妙有家學早蜚聲於祝市果巍第
於風宸惓惓懷憂國之誠耿耿抱疾邪之憤官清而要
榮躋列宿之躔氣直以副力請上方之劍乃反落御史
之膽恨不断佞臣之頭始知學校之有人孰謂書生之

不武上嘉蹇諤卒行其言天賞精忠遂魁其子風采聳
於天下名節立於筆端益歸王省之班姑養琳宮之浩
符分千里方歌來莫之庶詔下九重行作去思之武某
聯名雁塔共事賢閔既臭味之素尚又封疆之不遠相
為唇齒之國義莫重焉敬觀面目之書喜可知也

賀張尚書

伏審力辭從橐榮奉真祠縉紳高勇決之風當守惜老
成之去不負所學於夫子無媿陸宣公能全大節還故
鄉真同趙清獻其受知最厚贊喜尤深方當危疑之秋
倍為明哲之賀日探車騎即登門墻

賀陳右相

廷渙大號相登真儒謹呼萬方聳動列辟某官氣大以
直學明而誠入則正色於朝廷出則乃心於王室行藏
合聖人之用舍進退為天下之重輕不肯枉尺而直尋
惟務獻可而替否音屢上而求去甚力瞻愈隆而挽留
益堅可謂大臣已久慰蒼生之望爰立作相宜盡行平
日之言績坐底於咸熙喜真成於不寐

賀汪尚書應辰

光膺帝制榮總天官讀侍金華班高玉筍共惟慶慰其
官書讀萬卷心醉六經養孟軻之直剛得仲尼之忠恕
入則居獻納論思之地出則摠方伯連師之權德名重
於華夷治行最於閩蜀學以傳道真宜為萬乘之師才

可佐王奚止居六官之長孰能熙帝之載當今舍公其
誰茲與議之所期非某敢私其祝

賀陳左相康伯

誕敷明命榮陟首台用賢非以序遷簡帝實由久望某
官學傳聖絕心造道微德寬大而能有容氣直剛而不
可奪入則以嘉猷而告君出則以斯道而覺民房元齡
心不啓樞斯能持於衆羨蕭相國法若畫一固宜冠於
群臣况宰相以鎮撫四夷而丈夫當掃除天下今日之
事舍公其誰侵疆未歸入咸望於夫子不仁者遠功實
在於皋陶罔俾古人獨專其美

賀虞右相尹文

廷渙大魏朝登碩儒選衆得賢若萍湯命相之日縉紳
相賀如文富宣麻之時誰呼萬方聳動列辟某官勇自
仁出忠由孝移鯁諤傳世南之風敬義稟坤爻之德入
則以嘉猷而告后出則以斯道而覺民拯社稷於艱危
靜胡塵於談笑周瑜赤壁之外不見雋功謝安淝水以
還未聞相業公獨得於兼備事非止於一書樞府出而
全蜀安衮衣歸而敵國俱果膺受立式慰爾瞻然大臣
以道事君而春秋責備賢者願以天下而自任勿謂吾
君之不能魯國侵疆未歸責端在於夫子樂正為人好
善喜竊同於孟軻罔俾古人獨專其美

與交代胡侍郎

執筆螭坳昔類蕪陵之荷分符閩嶠今同糠粃之颺不
齒衰暮之孤蹤復有交承之雅契某官心傳絕學天賦
剴腸當姦邪誤國之秋奮忠誼敢言之勇朱雲請上方
劍欲斷佞臣之頭賈生陳痛哭書願繫單于之頸去國
蓋一萬里投荒踰二十年會上聖之嗣興起孤忠於久
廢心惟憂國屢推造膝之誠義不戴天力沮和戎之議
卒落落而難合竟栖栖而不容周宣方撥亂以興衰韓
子乃投閑而置散銜孟里巷晦迹桑榆蓋歸乎來萬事
之問在伯始無出其右十里之難制一賢赤心素結於
睿知白首始煩於卧治初需漳浦之次遽易溫陵之麾
佇竚晉中詎容補外某輩行相絕官僚偶同聽詩書執

禮之言資直諒多聞之益左右共書於言動後先相繼
以承宣誦十年尊酒之詩修尺素雙魚之敬來何太莫
宜趣曹相國之裝政務惟新奚煩楚令尹之告

梅溪先生後集卷第三十三

蓋之德更非京師二十平合土望之編與安學以不
不存因宜之辭出必與
不存因宜之辭出必與
不存因宜之辭出必與
不存因宜之辭出必與

